



Hvalfjarðarsveit, 13. nóvember 2019

Into the Glacier ehf.  
Sigurður Skarphéðinsson

Hinn 10. október s.l. var starfsleyfistillaga fyrir vélaverkstæði fyrirtækisins í landi Húsafells 3 auglýst á heimasíðu Heilbrigðiseftirlits Vesturlands (HeV) í samræmi við reglugerð nr. 550/2018 um losun frá atvinnurekstri og mengunarvarnaeftirlit. Jafnframt var tillagan send sérstaklega til umsækjanda, Umhverfisstofnunar og Borgarbyggðar.

Hér er um nýja starfsemi að ræða sem er í samræmi við vilja skipulags- og byggingar-yfirvalda Borgarbyggðar.

Umsagnarfresti lauk hinn 10. nóvember s.l. og komu engar athugasemdir við auglýsta tillögu. Starfsleyfið er því efnislega óbreytt frá auglýstri tillögu og tekur þegar gildi.

Virðingarfyllt,

---

framkv.stj. heilbrigðiseftirlits



# Starfsleyfi

fyrir vélaverkstæði

Nafn fyrirtækis: Into the Glacier ehf – Verkstæði

Heimilisfang: Húsafell 3b

Kennitala: 430913-0930

Póstnúmer: 320 Reykholt

Sími: 5782550

Fasteignanr: 250-0391

Nafn forsvarsmanns: Sigurður Skarphéðinsson

Netf: siggi@intotheglacier.is

Útgáfudagur leyfis: 13. nóvember 2019

Gildir til: 13. nóvember 2031

## 1. Almenn atriði

Fyrirtækið skal hlíta ákvæðum laga um hollustuhætti og mengunarvarnir nr. 7/1998, reglugerðar um meðhöndlun úrgangs nr. 737/2003 og reglugerðar nr. 550/2018 um losum frá atvinnurekstri og mengunarvarnaeftirlit. Einnig ákvæðum annarra laga og reglugerða sem um starfsemina gilda á hverjum tíma og skilyrðum á fylgiskjali með leyfi þessu.

Fyrirhugaðar meiri háttar breytingar á húsnæði eða rekstri skulu gerðar í samráði við Heilbrigðiseftirlit Vesturlands. Ef fyrirtækið flytur fellur starfsleyfið úr gildi.

Um starfsumhverfi og öryggi starfsmanna fer samkvæmt lögum nr. 46/1980 um aðbúnað, hollustuhætti og öryggi á vinnustöðum.

Skylt er að framvísa leyfinu hvenær sem opinber eftirlitsaðili óskar þess.

Leyfið er útgefið samkvæmt ákvæðum laga nr. 7/1998 og reglugerðar nr. 550/2018.

## 2. Gjaldskylda

Starfsleyfi tekur þegar gildi. Gildistími er 12 ár en skal endurskoða á fjögurra ára fresti að jafnaði.

Fyrirtækið skal árlega greiða eftirlitsgjald í samræmi við gildandi gjaldskrá þar um. Gjald þetta skal standa undir kostnaði við reglubundið eftirlit Heilbrigðiseftirlits Vesturlands, þar með talið starfsleyfisvinnslu.

Gjöld má innheimta með fjárnámi. Gjaldið er tryggt með lögveðsrétti í viðkomandi fasteign tvö ár eftir gjalddaga þegar leyfi eða þjónusta er tengd notkun fasteignar.

Hvalfjarðarsveit, 13. nóvember 2019  
f.h. Heilbrigðisnefndar Vesturlands

# Fylgiskjal

með starfsleyfi vélaverkstæðis

## Into the Glacier ehf.

Vélaverkstæði í landi Húsafells 3

### 1. ALMENN ÁKVÆÐI

- 1.1 Heilbrigðisnefnd Vesturlands veitir Into the Glacier ehf., kt. 430913-0930, starfsleyfi fyrir vélaverkstæði að Húsafelli 3b á Kaldadalsvegi, 320 Reykholti.
- 1.2 Starfsleyfið gildir fyrir viðhald og viðgerðir á trukkum og öðrum tækjum fyrirtækisins, sem notuð eru á Langjökli.

### 2. GILDISSVIÐ STARFSLEYFIS

- 2.2 Starfsleyfið gildir fyrir véla- og bifreiðaverkstæði, þ.m.t. smurverkstæði fyrir bifreiðar félagsins í húsnæði sem sýnt er á fyrirliggjandi teikningum og myndum frá umsækjanda.
- 2.3 Heilbrigðiseftirlit Vesturlands hefur eftirlit með starfsemi rekstraraðila, samkvæmt ákvæðum laga nr. 7/1998 um hollustuhætti og mengunarvarnir og reglugerðar nr. 550/2018 um losun frá atvinnurekstri og mengunarvarnaeftirlit. Um starfsemina gilda ogangr. lög og reglur auk skilyrða sem má í þessu fylgiskjali.
- 2.4 Verði meiriháttar breyting á rekstrinum eða breyting sem gæti leitt til aukinnar mengunar að mati leyfisveitanda ber að sækja um nýtt starfsleyfi. Heimilt er að endurskoða starfsleyfisskilyrði ef í ljós koma annmarkar á framkvæmd þeirra eða í ljós koma skaðleg áhrif á almenning eða vegna röskunar á lífríki eða umhverfi sem ekki voru ljós fyrir. Sama gildir ef fram koma almennar kröfur eða ný tæki er leiða til bættra mengunarvarna.

### 3. MENGUNARVARNIR OG BÚNAÐUR

- 3.1 Rekstraraðila er skylt að halda húsnæði og lóð snyrtilegri og í samræmi við kröfur heilbrigðiseftirlits. Við gerð mannvirkja og tækja og við rekstur skal beita bestu fánlegu tækni og taka fyllsta tillit til nauðsynlegra heilnæmis- og hollustuhátta.
- 3.2 Allar vélar og tæki og annað sem starfseminni tilheyrir skal vistað á lóð fyrirtækisins og þannig frá þeim gengið að ekki valdi óþrifum eða óþægindum gesti fyrirtækisins.
- 3.3 Frárennsli af gólfum skal leiða um olíuskilju.
- 3.4 Takmarka skal hávaða frá starfseminni eftir því sem kostur er. Taka skal mið af reglugerð nr. 724/2008 um hávaða.
- 3.5 Ef þvo á vélar og tæki eða hluta þeirra utandyra skal það gert á föstu vökvaheldu plani með afrennsli um olíuskilju. Fyrirtækið skal ávalt leitast við að velja sem minnst mengandi aðferð til vélarþvotta s.s. lokuð kerfi án leysiefna t.d. gufuþvott og háþrýstipvott.
- 3.6 Eftirlit og viðhald með vélum og mengunarvarnabúnaði skal ávallt vera með þeim hætti að ekki eigi sér stað óleyfileg útlosun.
- 3.7 Úrgang skal flytja til eyðingar eða endurvinnslu. Urðun eða brennsla á úrgangi er óheimil á athafnasvæði fyrirtækisins.

#### 4. MEÐFERÐ HÆTTULEGRA EFNA

- 4.1 Umbúðir hættulegra efna skulu merktar samkvæmt ákvæðum reglugerðar nr. 415/2014 um flokkun, merkingu og umbúðir efna og efnablanda. Starfsfólk skal hafa fullnægjandi þekkingu á eitrunarhættu og eiginleikum þeirra efna sem það vinnur með og skulu upplýsingar þar að lútandi ávallt vera tilrækar á vinnustað.
- 4.2 Verði óhapp eða slys við meðhöndlun hættulegra efna eða spilliefna, þannig að hætta sé á umhverfisskaða eða heilsutjóni almennings, ber tafarlaust að gera nauðsynlegar ráðstafanir til að forðast umhverfismengun og slys á fólki. Tilkynna skal atvikið til Heilbrigðiseftirlits Vesturlands eins fljótt og auðið er.
- 4.3 Fyrirtækið skal safna öllum spilliefnum sem falla til við starfsemi þess. Óheimilt er að blanda saman mismunandi flokkum spilliefna eða blanda við annan úrgang.
- 4.4 Spilliefni skal ekki geyma til langframa á umráðasvæði fyrirtækisins. Þeim skal skilað til viðurkenndrar móttökustöðvar.

#### 5. ÝMIS ÁKVÆÐI

- 5.1 Eintök af starfsskilyrðum þessum skulu ávallt tiltæk á vinnustað.
- 5.2 Rekstraraðili fyrirtækisins ber ábyrgð á að það starfi í samræmi við starfsskilyrði heilbrigðisnefndar. Rekstraraðili skal kynna sér þau lög og reglur sem lúta að starfsemi fyrirtækisins.
- 5.3 Um varnir gegn skaðlegum áhrifum á starfsmenn og starfsumhverfi fer samkvæmt lögum nr. 46/1980 um aðbúnað, hollustuhætti og öryggi á vinnustöðum.

#### 6. STARFSEMI HÆTT

- 6.1 Tilkynna skal Heilbrigðiseftirliti Vesturlands ef starfsemi fyrirtækisins er lögð niður.
- 6.2 Leggist starfsemin niður skal öllum hættulegum efna- og lyfjaleifum og ónothæfum efnum skilað til móttökustöðva fyrir spilliefni.
- 6.3 Verði starfsemin lögð niður skal ganga frá öllum mannvirkjum þannig að ekki stafi hætta af.

#### 7. GJALDSKYLDA

- 7.1 Fyrirtækið er háð eftirliti Heilbrigðiseftirlits Vesturlands samkvæmt ákvæðum reglugerðar nr. 550/2018 um losun frá atvinnurekstri og mengunarvarnaeftirlit.
- 7.2 Rekstraraðili greiðir árlegt eftirlitsgjald samkvæmt gjaldskrá Heilbrigðiseftirlits Vesturlands eins og hún er hverju sinni.

#### 8. GILDISTAKA OG AÐGANGUR AÐ UPPLÝSINGUM

- 8.1 Starfsleyfi þetta er gefið út skv. ákvæðum laga um hollustuhætti og mengunarvarnir nr. 7/1998 og ákvæði reglugerðar nr. 550/2018 um losun frá atvinnurekstri og mengunarvarnaeftirlit og öðlast þegar gildi.
- 8.2 Um aðgang að upplýsingum fer samkvæmt lögum nr. 23/2006 um upplýsingarétt um umhverfismál, upplýsingalög nr. 140/2012 og lög nr. 7/1998 um hollustuhætti og mengunarvarnir.

Hvalfjarðarsveit, 13. nóvember 2019  
f.h. Heilbrigðisnefndar Vesturlands